


Reiwelskercher Kerweredd



2002

Kerwered 2002

Reiwelskerch, aldes Besebinnerdorf, freä dich und sink nieder,
im July gebts die Heidelbeer, im Friebling bliet de Flieder,
jetzt im Auguscht do scheint die Sunn,
weil die Kerb iss wieder zu uns kumm!!
Reiwelskerch aldes Kerwedorf sahem Kerwegott danke,
er hot besoffene denke geloss un geheilt die Kranke
un de Kerwestrauß den er drauß sien
gehert ganz allä in sei Vitrin!
In Reiwelskerch, dass is offentsichtlich klar
is seit voresjohr alles geblebb wie es war.
Doch halt!! - Ich kann nirgends de Uli un de Wanne siehe
Ich glaab das met de Kerwered misse mer jetzt allä hiekrieje!
Jo, ehr Leit, mol gestaunt un geguckt,
do owwe steht e nei Generation die sich als Kerweredner vesucht.
Du Maike mehr zittern die Knie,
mänsch du mehr krieje des überhaupt hie??
Na klar.-Die Leid do unne dun sich jo schon all uff uns freije,
die brauche ihr kumme bestimmt net zu bereije.
Ich kipp mer lieber noch e Gläsje noh hinne
bevor ich beginne!
Awwer Janett, allä drinke macht doch dumm,
desweje wert das Gläsje zu zwoot uffgenumm
un nochemol die lieblich Stimm vun de Straußjuchend venumm!

Alle guten Dinge sind Drei

Alle guten Dinge sinn jo bekanntlich drei
un bei dere magische Zahl is ach unser Timo debei...
Märcher dun jo bekanntlich met; „Es war einmal beginne
un dene Ofang muß ich ach bei de folgende Geschichte finne!
Es ware emol drei Schwechtere ausem Heferchwillererland
weit un breit bekannt,
die fande nur ä Prinzje fer sie interessant.
Sie hatte also ausgestreckt iht Fiehler
nom Prinz Timo, dem erschte ausem Geschlecht de Biehler!
Doch der war net äfach zu krieje,
weil er lieber wollt met nem Kaschte Bier durch die Gegend ziehe....
Doch die Heferschwillerer Dame
hatte met unserem Timo kää erbame!
Sie hatte ne in e Fall gelockt
un unser Prinz alsbald drinn gehockt.
Un Timo die Sach hasche der ganz allä ingebrockt!!
Die erscht hot anscheinend so schee gesung wie die Loreley uffem Rhei,
jedenfalls hot do die Anna klei de Timo im Bett debei!
Doch die Bettkante geschicht war alsbald beent,
weil sich unser Timo hot ner anner zugewent.
Es war die Jungfrau Maria ausem gleiche Stall
un des ging Knall uff Fall!
Die Jungfraa kunt de Timo e ganzi Zeit an sich halle,
doch dann dut dem die Maria aach net mie gefalle...
Vun dene Schwechtere hot de Timo endeckt die dritt im Bunde,
un die hies net etwa Kunigunde!
Name wurd die geruf Dina
un sah genauso gut aus wies Dorflina...
Weil die beide ware so glicklich un froh,
sinn se klei in e greßerie Burch gezoh.
Dann hann se sich wohl ach met dem Thema „Fortpflanzung“ befasst,
un sich wohl ach ganz schee unsittlich ogefasst...
Dobei hatte se wohl soviel Spass debei-
Jedenfalls kriecht es Dina e dicker Bauch debei...

Timo ich bin froh, das es do kä vierti Schwechter gibt,
sunscht hesche die aach noch beglickt...

Bitte ein Bit Bitburger

Gasthaus
"Zur Linde"
Hauptstraße 12
67753 Reipoltskirchen
Inh. Lydia Schultz

WALK

Ford Vertragswerkstatt

bft Tanken & mehr

Talstr. 2
67700 Niederkirchen

Textile-Autowäsche
Karosserie-Instandsetzung
Reparaturen und Service
alle Fabrikate
Computerachsvermessung

Hans Ulrich Walk
Talstr. 2
67700 Niederkirchen
Tel. 06363/ 201
Fax. 06363/1644

Roller Rocker

In ledschder Zeit sieh ich bei uns e paar Kabarocker abjae
un zu dene du ich jetzt was sae!
Äner vun dene wilde Mopedtype
kriecht jetzt vun uns was uff die Rübe.
Denn der Rocker dut net beim Kaba bleibe
sondern ach e paar Bier inveleibe....
Denoh dut sich em Alwis sei Martin luschtig uffs Moped schwinge
un fangt debei o zu Singe.
Doch trinke un Mopedfahre vetraat sich schlecht,
ercht recht wann mer es Moped dobei scheidt...
Statt ner Kurv hot unser Martin do e Geradi gesieh
un leht sich deshalb in de Acker hie!
Nohm uffprall hot er zwar gehatt e paar Schmerze
doch dank Alkohol kunnt er immer noch Scherze.
Mem Moped hot er sich dann hämgequelt
un dort nix vum Unfall vezeht.
Im Bett hot unser Schoof
dann schnell geschloof....
Doch dann losse die Promille noh
un alles fangt beim zu Schmerze o...
Un ohne Promille
muß unser Martin ganz schee brille!
Sein Bruder dut ne zwar here,
sich awer ofangs gar net dro stere....
Doch weil es gejammer wurd gar so schlimm
guckt de Peter mol beim Martin ins Zimmer erinn.
De Peter erkennt sofort de ernscht der Dinge
un dut de Martin ins Krankenhaus bringe.
Die Weißkittel hann dann e Sprunggelenksbruch diagnostiziert
un ne klei operiert.
Während de Arzt beim Martin im Bett rumrieht
hots de Peter widder häm ins Bett gefieht.
Dort wurd er am nägschde Daach unsanft geweckt,
weil es Steffi erschreckt un nirgens es Martinche endeht....
De Peter mäht: Ey Mudder bleib mol ganz cool druff,
de Martin wacht glei aus de Nachose uff...
Langsam dut dann ach es Steffi die Lage peile

un zum Martin ins Krankenhaus eile...
Do lag er....frisch Operiert
un met nem Gips veziert!
Doch bevor der arm Bub kann überhaupt was sae
muscht er erscht mol die Gardinepredischt vum Steffi ertrae...
Die tat so weh wie die Srunggelenks OP
un zog vum Kopp bess in de kleene Zeh!
Mittlerweile iss der Bruch ausgeheilt
un beim Martin wird aner neie Moped-Taktik rumgefeilt!
Äns du ich der ach noch sae:
Mach mer nimmie so Faxe,
dann brecht du der ach net die Haxe!

Die geklaute Birke

In de nägschte Zeile
due mer bei Assmanns Paul veweile.
Ich glaab der is lieb un wert,
fascht bekannt uff de ganze Erd!
Doch bekannter als de Paul jemohls sei kunnt,
is die Birke, sei Hund!
Das is e Hund so weiß wie Schnee
un dodezu noch wunnerschee!
Doch die Idyll wurd jäh gestert
als de Paul die Birke veleert....
Es war in Lauterecke passert
als als de Paul uffem Weihnachtsmarkt inmaschert.
Met Weihnachtsbääm is er dort hiene
un wollt so manch gudi Mark vediene!
Er vedient sich a doll un dusselich
nur war er am Enn e bisje Schusselich.....
Er hot nämlich sei innahme im Kopp durchkalkuliert
un net gemerkt, das jemand die Birke entfiehrt!
Die war wie vum Erdbode veschwunn
un unser Paul hotse ach nimmie gefunn.
De Paul denkt;, oh wie, das gibt vun de Steffi e geschrei
wann ich hab die Birke net mie debei!
Sie hatten zwar net de Kopp abgeress,
awer doch e bisje ogeschess!
Wochelang wurd beim Paul Trauer geflaggt,
so hattse de Veluscht vun de Birke gepackt!
Doch irgendwann hat de Paul ach widder Glick
als es Schicksal jemand durch die Mäsemer unnergasse schickt...
Der jenische sieht uffämol e weißer Wau- wau
un denkt;, den kenn ich doch genau!
Er is zwar net mem Paul vewant,
hott awer die Birke klei erkannt...
Als er dene Hundefiehrer erblickt
hot er ne glei in e Gespräch vestrickt.
Nodem er dene einisches iwer de Hund gefroot
hot erm met ner ozeich gedroht!
Per Handy dut er das em Paul sae
un wie der das em Paul gewahr
isser sofort noh Mäsem gefahr!!

De Paul nemmt de Birkeklauer ach nochemol ins Gebet,
doch der stellt sich nur bleed...
Erscht als de Paul losst e paar Scheine aus seim Geldbeidel flieje
kunnt er ach widder die Birke krieje...
So hot sich die Birke widder zu Assmanns gesellt
Un de Paul um e Vemösche geprellt...

Paul vielleicht sollscht du es nägschte Mol die Birke net als Weihnachtsbääm
dekoriere,
dann duschse ach net mieh veliere...

BAUSTOFFE **Wanninger**

Baufachmarkt · Brennstoffe

In der Schorndelle 1

Tel.: 0 63 63/9 21 30 Fax:92 13 17

67700 NIEDERKIRCHEN

Ententot

Drunne in de Miehl
hammer e großes Terasil!
Mer bekummt dort einisches zu siehe
un brauch net extra noh Frankfurt in de Zoo zu flieje!
Es Kässje is dort de Zoo vorstand
unn hot an freilaafende Tiere so allerhand.
Als besonnersch schee du ich die Ente erachte
-ehr Leit die misse ner eich emol betrachte!
Die dun dort besopnnersch gut gedeihe
un die brauche kä internationale Vegleich zu scheie!
Es Kässje dut sei Entezucht als 1a bewerte,
doch manch äner kenntse gut im Backofe verwerte...
Ich bin zwar selbscht- versichere eich
kä Freund vun dem Ente Zeich,
doch gebts Inwohner die kenne do nix
un iwverfahre die Ente ganz schee fix!!
Schulze Bettche iss do, ganz unschiniert
met em Fiesta in die Miehl kutschiert.
Audofahre hot anscheinend nie studiert
un desweje hotse sich ach net lang geziert
un hot met ehrm Audofahrtalent
die arme Ente glei umgerennt!
Die Ente hann um Gnade gefleht,
doch es Bettche hat se efach umgemeht
un die Ente hann sich nimmie beweht.
Sie ruft dann ach glei zum Ingrit hie:
„Du hosch jetzt e Feschttagsmenü“....
Mei lieb Bettche ich wollts jo käm verote,
awer du ischt arisch gern Entebrote...
In Zukunft schiebche lieber em Tanja sei Kinnerwa iwver de Miehler Hof,
dann kummts ach net zu so ner Katastroph...

Sonderbare geschehnisse am Heiligen Ort

E Friedhof is jo e Ort der Stille,
doch in letschter Zeit dut der die Schlagzeile fille!
Es war schun Krass wie es dodezu kam
un desweje verzehl ich eich die Geschichte vun anfang an.....
Ogefang hots met de Waldtraud, de Fraa im Ford Escort un die kånne mer jo all
im Ort.
Die iss met ehrem Audo uff de Friedhof geschoss,
un hot dort emol die Gråwer gegoss.
Als se es Gieße hat beent
hot se uffem Parkplatz es Audo gewent.
Uffem Parkplatz hot se dann noch e Kombi erspht
un do drinn hot sich ebbes ganz komisch beweht.
Der Fahrer do drinn macht sich selbscht ze schaffe
un benutzt dozu sei hnn als Waffe.
Der war vum Waldtraud anscheinend so fasziniert
un hot desweje sei Ding mol ordentlich abgeschmiert!
Dene Kerl hots so arisch unne erum gejuckt
so dass er fascht uff de Escort hot gespuckt!
Es Waldtraud war vun dem ganz entsetzt,
un iss sofort ins Dorf gehetzt.
Sie is dort bei ihr Vadder gesprung
un hot dem alles ogebrung.
De Walter dut dann sofort an de Telefonherer schnelle
un das de Polizei zu melle.
Doch bevor der de Polizei hat, Hat – Hat gesah
iss der uffem Friedhof lngscht widder fortgefah.
E paar Daach noh dem zwischefall
hot sich es Hannelor am Friehof uffgehall.
Dort sieht se ach schun glei dene Zombi
in seinem Kombi!
Es denk; Bevor der dut uff mich spritze
du ich lieber in die Heimat flitze !
Dort schliet se schnell ihr Audo uff,
un iss met dem zum Friedhof nuff.
Dort versperrt se dem Mann mit de flotte Hnde
es uffahrtsgelnde!
Met dem Handy ruft se dann noch die Polizei
un die kame , ens , zwo , drei!
Die hann dene dann in Gewahrsam genumm
un in ner gute Zell unnergebrung!
Hannelor an der Stell mu ich mei Respekt vor dir vemelle
un dich als Friedhofswrter instelle!!


Bäckerei-Konditorei



Müller

Inh. Jörg Müller

*Kegelbahnstr. 10
67753 Reipoltskirchen
Telefon 06364/323*



Audi - Raudi

Ähnlich wie im Waldtraud sei Escort
fährt ach noch e silberner Audi im Ort!
Vor ner gar net allzu langer Zeit
war des Auto mol zu ner Spritztour allä bereit!
Do isses ganz allä die Leimenäcker erunnergeschneelt
un hot dobei sei äußeres verdellt.
No dem dann de Audi war zusammengeflickt
gabs jetzt es nächste Missgeschick...
Ens is wohl klar,
de Audi wird vun nem Raudi gefahr.....
Der hääßt Norbert Lang
un vesetzt es Neibaugebiet in Angscht und Bang.....
Im Winter wollt er mol widder sei Fahrkünste beweise
un des war grossi Scheiße.
Er hot gemähnt, mit e paar Promille im Blut
ging es fahre doppelt so gut!!
So setzt er sich in de unschuldich Audi eninn
un jaht de Rickwertsgang eninn!
Er wollt es Auto jo nur die Uffahrt hoch quele,
doch dut dobei sei Ziel glatt verfehle....
Weil unser Norbert iss falsch abgeboh
isser Rickwerts an de Laterneposchte gefloh
un hot dene ganz schee veboh.
De Laterneposchte zeigt ach kää gnade
un hot em Audi zugefügt e scheene schade...
Der war uff de Rickseit e bisje demoliert
un de Norbert iss desweje heit noch irritiert!
Debei isses doch ganz leicht zu erkläre;.
Met zuviel Alkohol dusche abschmeere.....
Norbert met Navigationssystem wär dir das net passiert,
dass häätt dich direkt in die garach gefiehart.....

De Rote Benz

Iwwer die Autofahrer hammer heit schun veel Bericht
un met dem Gedicht
werre se nochemohl uffgemicht....
Die Hauptrolle speele e Mann namens Ferdinand
un e Benz wo de Besitzer ach is bekannt.
De Alfonso dut dene Benz durch die Gejend steiere
un bisher muscht sich ach noch käner iwwer ne eiere....
Doch der Benz hot ach e Vorfahrtssystem ingebaut
un dem hot er Blind vertraut.
Dem ewegenannt Ferdinand
war das net bekannt...
Desweije fangt er o, in seim arge Gottvertraue
alles fer e Wandostrich uffzubaue!
Unschuldich, wie em lieve Gott sei rechte Hand
macht sich unser Ferdinand
an die zu streichende Wand.
Er machts sich bequem uffeme Stuhl
un Streicht so die Wand ganz cool...
Das ganze macht er frohe Mutes,
doch er Leit vun hinne kummt selten was gutes....
So gabs ach in dem Fall e große Knall!
Gejeiwer will de Alfons zum me Ausflug im Benzje Starte
doch de Uffprall lässt net lang uff sich warte....
Ohne große Bedenke
dut de Alfons es Audo richtung Ferdinand lenke.
Weil awer de Alfons beim Rickwertsfahre scheid es Blicke
dut er de Ferdinand uff de Bode schicke!
Vor Wut schmeißt der de Pinsel weg
un de Alfons vkrümmelt sich in e anner Eck!
Nodem veracht war die Wut un de Ferdinand hatt abgesenkt sei Blut
war noh rer Entschuldigung die Sach wirrer gut!
Daß de Alfons iss so e Audofahrnaturtalent
hat mer jetzt erscht erkennt
sunsch wäre er längscht bei de Formel 1 mit gerennt!
Ferdinant; wann du mol widder wilsch Hausostrich wage,
guck das gejeiwer kä roter Benz dut Parke....



APOTHEKERIN SUSANNE KILLMER
AM SCHLAUWEG 2 • 67700 NIEDERKIRCHEN
TEL. 0 63 63 / 99 30 84 • FAX 0 63 63 / 99 30 85

PIZZERIA ▽ HEIMSERVICE

ITALIA

Ihr Restaurant, das zu Ihnen nach Hause kommt



Wir liefern täglich von 17.00 - 23.00 Uhr frei Haus
Dienstag Ruhetag (außer Feiertags)

Talstraße 28 • 67700 Niederkirchen

TEL. 0 63 63 / 53 05 - 53 07

Hexenacht

Vun Hexenacht hammer a wirrer e schee Geschicht,
bei dere a es Geiße Ellen mitmischet.
Es Holzschiff vum Kinnergarde wurde entwendet,
un dann in Richtung Kerweplatz gesendet!
Als es Ellen dann de negschte Da hot em Kinnergarde sei Außeolach
besichdischt,
wurds dodemit mit ner beschdimmte Frage beschwichtischt.
Es hot sich gedenkt,
„ei wo is dann das schwere Schiffche hie?“,
dodruf isses dann durch die Gegend gefahr un hots unne uffem Platz gesieh.
Die Frau Geiß hot a net großartisch was geredd oder gefrot,
un hot dann glei mit ner Ozeisch un de Polizei gedroht.
Dodruf hie no vielem gemotze un ge...breche,
hammer uns dann zesammgeriss,
un das Massivholzschiff in Richtung Kinnergarde geschmiss.
Es Lange Christine is kurz druf a noch nunner uff de Platz kumm,
un hot das mit dem Schiff a net so luschdisch gefunn.
Es hot dann gemähnt bei dreiehalb dausent Mark hert de Spaß uff,
un wenn mer ältersin käme mer do vielleicht a irgendwann druff.
Die Kellergeister hunn dann gesat,
ei ihr ware doch a emol jung,
un hätten so e Schiffche a als Leckerbisse empfunn.
Mer hann dann gedenkt,
vielleicht brauche es Ellen uns Christine noch e paar Johr,
fer dene angeblich so koschtspielische Humor.

Dummgeloff

(Ach) iwwer Hesse Tobische hammer wirrer e Bericht,
iwwer dene kläne ganz bese Wicht!!
E Mofa horrer han gewollt,
un dann kurzerhand äns vun Nussbach noch Reiwelkerch gerollt.
Bis an die Mielwiß warer kumm,
als do die Bulle parkte,
hot de Tobi geguckt ganz schee dumm.
Das das Mofa hat kä Babiere gehatt,
kunnter jo net wisse,
un do muschter sich vor heile fascht in die Hosse...scheiße!
Als die Polizei hoten gefroht, wo issen das Mofa her,
do fiel em die Antwort ganz schee schwer.
No langem iwwerlehe hot sich de Tobi besunn,
das das Mofa ursprünglich war vum Nußbacher Armbruscht kumm!
Der hot das gefun im Nußbacher Wald,
unn sich gedenk,
das verkaaf ich bald.
De Tobi hotem geb 50 Mark,
das fandte die grine Männer iwwerhaupt net so stark.
Die hann dann sofort e Wälsche mit henger geordert,
wo das Mofa uff de Stell in Presidium befördert!
Als dann de Traum war aus vun wesche „born to be wild“,
do hot de Tobi dem Mofa uffs neie nogeheilt.

Unn was sat uns die geschicht,
hätt Uss Werner dem Bub halt e nei Mofa kaaf,
wär die Sach mit Sicherheit net so abgelaaf!!!

Awer Tobi nemms net so krumm,
schließlich bische jo noch garnet ins Mofaalder kumm!!!

///
eigene Schlachtung
seit 1896

Metzgerei

Partyservice

**Ferdinand
HESS** KG

Qualität ist unser Prinzip

///
67700 Niederkirchen

Heimkircherstr.8

Tel. 06363/322
///

Oh Tannenbaum

Zugereiste hammer gar manche im Ort
un des is schon e besonnerie Sort!
So simmer mittlerweile Multikulturell
un laafe längscht nimmie im Bärefell!
Auswärtische sinn vun iwwerall her erinn kumm
ei mer hon sogar äner ausem Appetal uffgenumm!
Der hot sich Cronebachs Olivia geschnappt
un met dere sei Spaß gehat.
Doch der Appetaler – Kai
is net immer met em Vestand debei...
Warum ich das sa,
werre ner jetzt gewahr.
Pünktlich zur Weihnachtszeit
war es bei unserem Kai soweit.
Er dräämt vun nem scheene Bääm
bei sich dehääm.
Er iss ach glei zum me Hännler hieh
un hot sich kaaf e riese Vieh.
Met dem gute Stick
wird dann dehääm ogerickt.
Das do e Fehler met de Bäämläng war
wurdem Schlachartig klar!
Unser Kai wollt es äfach net fasse,
das de Bääm dut net in die Stubb eninnbasse!
Bei so nem Missgeschick
wird e Stick vum Bääm abgeschnitt!
Doch hot unser Held net bedacht
dass mer so was am Dicke Stick macht!
Er hot also de Gippel gekerzt
un so es Olivia ins Unglück gesterzt.
Das ganze hot zwar Scheiße ausgesieh,
awwer de Kai mähnt: Der kummt mer so ins Wohnzimmer hie!
Wann e Appetaler sei Weihnachtsbääm will stutze
sollt er schon sei Vestand benutze!
Zu all dem kenne mer jetzt nix mieh sa,
sunsch krieje mer vum Kai de Arsch geschlah!
In Zukunft wünsche mer fer dich un die Bääm veel Glick
un kerz ne jo net widder am falsche Stick!

MOTORSPORT & REIFENSERVICE

Hauptstraße 2
67759 Nussbach

Tel. 06364-175517 Mobil. 0171-4362453



KS Motorsport & Reifenservice wünscht Ihnen eine schöne Kerwe

Praxis f. Physikalische Therapie

A & B Schlicher
Hauptstr. 64

67759 Nussbach

**Krankengymnastik auf
neurophysiologischer Basis**

Schlingentisch

Massage / Fango

Heißluft / Stangerbad

Unterwassermassage

Elektrotherapie

Manuelle Lymphdrainage

Öffnungszeiten

Mo.-Fr. 8.00-12.00

Mo.-Mi.-Do.-Fr. 14.00-19.00

Tel. 06364/1463

Schluss

Die folgend Stell is wie jedesjohr e Muß,
mer mache jetzt nämlich Schluss!!
Ich denk mer hann unser Sach net schlecht gemacht
un desweje werre mer ach net ausgelacht!
Maike, soll ich der was sae?
Ich fands äfach nur wunnerbar!
Ich kännt jetzt noch Stunne so weiter rede un hetze
un iwwer einische Dorfbewohner die Messer wetze.....
Vorhin hasche der fascht in die Hosse geschiss
un jetzt werre schun widder die große Sprich geriss...
Doch es dut schun stimme
ich du am redde ach gefalle finne!
Doch fer unser Schluss
hammer noch e Hochgenuss!!
Mer rufe jetzt de Don Carlos eraus,
der soll sich emol betrachte unser Kerwestrauß!!
....El grande Carlos di fantastico.....Karl.....!!!
Karl, mer danke der fer dei geher
un dasche de Kerwestrauß so schee finsch wie mer!
Mer bedanke uns noch fer eier uffmerksamkeit
un wünsche eich noch e scheenie Kerwezeit!
Wie immer gibt's die Kerwered zu kaafe,
er misse nur zur Bien herlafe,
do gibt's unser gesprochenes Wort fer € vor Ort.
Zum Schluss wird wie das halt so iss
nochemol laut vun alle gekrisch:

Die Reiwelkeijer Kerb soll lewe.....